

VUARÎZ PAR LEZ

(1995)

Toni e Agnul dopo vé passât ains dentri in tun ospedâl par vuari il cjâf malât, une biele di, cul jutori di une lez fate di qualchi luminari de sienze, a' poderin tornâ fûr parvie che cheste lez ju veve considerâz vuarîz.

Cjatâmsi libars a' ierin une vorone contenz e par chest a' pensârin di fâ un viaz e lâ a viodi Rome. Lôr si son metûz subite in vore, par meti adun l'ocorint pal viaz. Si son comprâz dôs bicicletis, lis ân furnidis di argains, di puartepacs, borsis jem-

Poesie e Racconti Friulani

pladis di atrez in câs di roturis, e vivars in abundance.

Cuanche dût al jere pront, si son metûz in viâz e pedalant si son inviâz viars Rome. Par doi dis, il viaz al filâ dret e lôr a' fasevin di tant in tant une polse.

Une vorone contenz, si cjacaravin, si contavin ogni sorte de lôr storie, ma ce che plui a' si disevin un l'altri, al jere il plasé di rivâ a viodi Rome e dutis lis sôs bielezis e cusì pedalant a' vevin fate une vore di strade.

Come al solit si jerin fermâz a polsâ un moment, podopo un pôc a' decidé-rin di tornâ a parti; prin di montâ in siele Agnul si meté a sgarfâ te val-

Poesie e Racconti Friulani

vule de ruede daûr de sô biciclete e 'zirant il tap al molâ il flât de cjarmare d'ajar, tant che la ruede si jere inflapide.

Toni, viodude une tâl e no capint la reson di chel lavôr, j disé: «Agnul parcé âtu molât il fiât de ruede daûr?» «'O âi scugnût», j rispuindé lui, «La siele 'e jere une vore alte e jo 'o fasevi lante fadie a pedalâ». Toni al menâ il cjaf e mugulant si meté a sgarfâ te borse dai atréz, e di buride al 'zirâ i bulons de siele e dal manubrio de so biciclete.

Smoladis lis vîz, al cjapâ il manubrio e lu meté al puest de siele, e la siele

Poesie e Racconti Friulani

al puest dal manubrio e seriôs al
meté in ordin dut te borse.

Il so ami Agnul, ch'al cjalave j disé:
«Sint po', âtu fat dut chel cambia-
ment par cori plui di me?». Ma Toni
dut stizzât j rispuindé: «Lu âi fat
parcè che jo 'o tormi indaûr, che a
Rome cui maz no mi sint di lâ»

Reana del Rojale, 19 Apr 1995